



Universitätsbibliothek Paderborn

**R. P. Pavli Laymann è Societate I: Theologiæ Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiæ

5. De iurisdictione.

urn:nbn:de:hbz:466:1-40716

C A P. V.

De Iurisdictione.

Iurisdictio est facultas alicuius habentis publicam & auctoritatem & eminentiam super alios, ad eorum regimen & gubernationem.

Actus Iurisdictionis sunt leges condere, in ijs dispensare, præcipere, iudicare, punire, ministros publicos creare, pupillis tutores dare, Minores atque Ecclesiæ læsas in integrum restituere; item Sacra-menta administrare.

Iurisdictio alia est ordinaria, quæ competit Iudici ex proprio munere, alia delegata, quæ Iudici non nisi ex commissione, *competit*

Iurisdictio alia est contentiosa, ad quam pertinet leges condere, præcipere, punire, causas ciuiles & criminales definire. Voluntaria alia, ad quam pertinet legitimare, dispensare, beneficium conferre, Sacra-menta ministrare, matrimonio assistere, latè loquendo de hoc ultimo actu.

Voluntaria Iurisdictio sic dicta, quia non nisi volentibus fit, extra proprium territorium exerceri potest erga subditos, eò quod non ordinariū iuris processum, nec iudicem pro tribunali sedentem requirat, ideo nulla iniuria infertur extraneo Iudici, NB. tamque ad vitandum scandalum priuatim exerceri debere voluntariam Iurisdictio-nem in aliena diœcesi. Contentiosa vero Iurisdictio in alieno territorio absque expresso vel tacito con-sensu exerceri non potest: *cum extra territorium ius dicenti impunè non pareatur.* cap. 2. de Constit, ja 6.

Pare-

5 Parochus in aliena Parochia suorum subditorum nuptias benedicere non debet, neque Episcopus in aliena diœcesi Ordines, aut Sacramentum Confirmationis conferre; sed in Pontificalibus (absque vsl pallij) extra diœcesin sacrificare non prohibetur.^{97.}

6 Diuiditur iurisdictio, quod alia sit Ecclesiastica, subdiuisa in externum forum & internum, alia ciuilis.

7 Iurisdictio utraq[ue] diuiditur in Imperium, quod iudici nobili proprio motu competit & per se stat. Et in simplicem Iurisdictiōem, quæ exercetur iudicis officio mercenario. Mercenarium Iudicis officium vocamus, quod deseruit actioni mere ciuilis. Ciuilis actio est, per quam pars litigans intendit consequi ius proprium, sive quod sua interest, Legitæ interesse vocant. Igitur simplicis Iurisdictiōis Officium ideo dicitur mercenarium, quod Iudex motu proprio, sive ex officio procedere non possit ad causas & lites ciuiiles, sed solum ad instantiam actoris: quare partibus actione desistentibus, vel transactione compositis, Iudex cessare cogitur: Illis autem instantibus, & iudicium postulantibus, debet sententiam ferre, ne que potest partes ad compositionem compellere; nisi in raro casu, si lis nimis diuina & intricata sit, ut expediri facile non possit.

8 Imperium aliud est merum, (exercetur Iudicis officio nobili, publicam utilitatem respiciente: Eius actus sunt Leges condere, malefactores punire &c.) Aliud est mixtum, (quod ^{mercenario} exercetur iudicis officio, priuatam utilitatem respiciente: Eius actus sunt dispensare, priuilegium dare, ætatis veniam tribuere, tutores statuere, in integrum restituere.

Merum

Merum Imperium quibusdam gradibus distinguitur.

Primus est maximi Imperij, quo pertinet potestas bellum inferendi, universales leges condendi; Concilia & comitia cogendi, &c. Potestas monetam cunctam tributam imponendi, quae regalia dici solent, quia propria Regum ac supremæ Potestatis sunt.

Secundus gradus est maioris Imperij, quo pertinet potestas facinoris hominibus mortuis &c. supplicium decernendi. Huc spectat potestas maximæ capitatis diminutionis, per quam ius ciuitatis & libertatis amittetur, sed non amplius in usu. Huc etiam pertinet, Potestas Clericum degradandi, excommunicandi, non ad instantiam partis læsæ, sed in proprio.

Tertius gradus est Imperij magni, quo pertinet potestas aquæ & igne interdicendi, quæ desigit, dictiturque capitatis diminutio minor, per quam ius ciuitatis, sed non libertatis amittetur.

Quartus gradus parvii Imperij, quo pertinet potestas relegandi, torturæ subiectiendi, flagellis puniendi.

Quintus gradus est Imperij minoris, quo pertinet modica coercitio in corpore.

Sextus gradus est Imperij minimi, quo pertinet exigua mulcta pecuniaria, qui duo postremi gradus cuiilibet magistratui tam ciuili, quam Ecclesiastico compantur.

Imperium mixtum pariterè modo in suos gradus distinguui posset. Est enim unus gradus maximi Imperij, Principi reseruatus, V. C. illegitimum vel communiure infamem famæ restituere, &c. Et sic deinceps in inferiores gradus descendit potest.

10 In generali meri aut mixti Imperij concession à Principe alicui facta , non censentur ea comprehensa, quæ primi gradus , adeoque propria supremæ potestatis esse solent , nisi speciatim exprimantur , iuxta regulam 81. in 6. In generali concession non veniunt ea , quæ quis non esset verosimiliter in suu concessurus.

11 Generalibus sedis Apostolicæ legatis , item Episcopis & Prælatis , similem Episcopali Iurisdictio nem obtainentibus , competunt ea omnia, quæ sumeri aut mixti Imperij Ecclesiastici , dempto primi gradu.

C A P. VI.

De Lege, ac Legislatore Ecclesiastico uniuersali.

1 Lex & Legistratrix potestas alia est Ecclesiastica, i.e. ciuilis. Differunt inter se ratione originis quia Ecclesiastica immediatè à Deo instituta, ciuilis ab hominibus. Et ratione finis, quia lex Ecclesiastica per se ac directè versatur circa res spirituales ad saltem animarum ordinatas. Civilis verò directè temporalem tantum commoditatem spectat.

2 Ciuilis potestas subordinata esse debet Ecclesiasticæ ratione finis, sicut corpus animæ , naturalia sunt pernaturalibus, temporalia æternis.

N.B. Potestas Ecclesiasticorum Præsulum, etiam Papæ, ad aliorum regnum iura & causas ciuilis directâ & ordinariâ via se non extendit: quia hæc

Potestates proprijs officijs ac dignitatibus discretæ sunt , & utraque in suo iure perfecta.